

RNI 68092/83 Regn. No. N.E. 1024

From

Synod Literature & Publication Board

Synod Press Building (Top)

Aizawl – 796 001, Mizoram

Phone : 2324590



E-mail : slpb@rediffmail.co.in

Vol. XXVIII No. 321

N E W S L E T T E R

July, 2010

MISSIONARY TRAINING COLLEGE HAWN A NI TA

“Kum 2010 aţangin Missionary Training Centre chu Degree College-ah hlan kai ni se,” tia Synod Mission Board rawtna, Synod Inkhawmpui wawi 84-na (2007)-in a lo pawm tawh chu, bawh zui tura ruat Synod Mission Board-in Pathian hruainaa tluang taka bawh zuiin Missionary Training College chu June ni 4, 2010 khan Synod Conference Centre Pi Zaii Hall-ah Synod Moderator Rev. C. Chawnglian a hawng ta.

College thar hawna inkhawm hi Rev. Lalzuithanga, Executive Secretary i/c Mission-in a kaihruai a. Co-Ordinator Upa R. Lalmalsawman inhmelhriattirna hun hmangin Synod Mission Board Secretary Rev. Lalchuanmawian Synod-in missionary-te tana inzirna a buatsaih ţan dan leh a ţhan zêl dan chanchin leh college hawn a nih theih nana hma lâk dan te a sawi a. Hemi zawh hian Synod Moderator Rev. C. Chawnglian Missionary Training College chu a hawng. Hawna thu sawiin Moderator chuan Missionary Training Centre ni ţhin Degree College-a hlan kai a lo ni ta chu kohhran bâkah Mizoram tan pawh hmasawna duhawm tak nia a hriat thu te, Pathian rawngbawl tura hun puma inpeten ţangkai lehzuala rawngbawl hna an thawh theih phanna tur a nih ngei a beisei thu te a sawi a; college hlawhtling tak a nih ngei theih nan Pathian hnenah a hlân. Principal Rev. K. Lalrinkiman lawm thu sawi pahin, kal khawmte chu college ding tir tê tana nu leh pa chan chang turin a sâwm zui nghâl bawk.

Kum 1976 khân Synod Mission Board chuan Missionary Training School din ţula a hriat thu a sawi ţan a. Chu chu bawh zui zêlin kum 1977 Synod chuan Aizawl Theological College-ah Missionary Training Department din a lo remti ta a. Kum 1978 aţanga 1995 thleng chu ATC pêng pakhat niin 1996 aţangin a lo inla hrang ta a, Ramthar Board hnuai a hawm zuiin a hmingah pawh Missionary Training Centre tih a lo ni ta a, chu chu college-a hlan kai a nih thleng hian a pu zui ta a ni.

College thar hawn a nih theih nan hian Synod Mission Board hotu te, Missionary Training Centre-a thawktute leh Aizawl Theological College-a zirtirtuten

kawng hrang hrangin a ţul apiangah hma an la a. A hawn ni atan hian Synod Ramthar Board-in a ţul ang zêla hma lain Synod Office lama hmunţhuten a ţul apiang an bawh zui thung a ni.

Missionary Training College-ah hian Bachelor of Missiology (B.Miss.) zirna (*course*) hawn nghal a ni a; B.Miss. hi HSSLC pass chin tan kum thum zir tura duan a ni. He course hi Senate of Serampore College (University) hotute thurawn ngaichâng zêla hawn leh kalpui a nih avangin, an pawmpui degree lâk theihna ni turin Senate hian hma a la a, inrâwn khawmna te buatsaih tawhin kumin chhung hian Church of North India chhûngah inrâwn khawmna hi neih leh tum mêk a ni. Senate-in a pawmpui degree lak theihna a nih chuan heta ţanga zir chhuakten Pathian thu zirna pangngai pawh an chhonzawm zêl theih beisei a ni.

MTC-a B.Miss. zir hmasa ber tur hian mi 15, mipa pasarih leh hmeichhia pariat thlan an ni a. Zir tura thlante hian June 7, 2010 aţang khân an zirna an ţan tawh nghe nghe. MTC-ah hian missionary thawk laite tâna thla thum chhung training course pawh kalpui zêl a la ni a. Tunah hian zirtirtu pakua leh thawktu dang panga awmin zirlai/trainee 30 an awm mêk.

MTC hi Synod Mission Board hnuai a hawm a, Committee-ah hian SMB Secretary chu Chairman niin MTC Principal chu Secretary a ni a, member dang panga an awm. Degree College-a kalpui a nih dawn tâk avang hian kawng engkimah hma lâkna tur a tam hle a, library lamah indaih lohna a nasa zual. Synod budget-in a huam tel chiah loh mamawh hrang hrangte hi kohhran leh mi ţahnemngaiten nu leh pa chan changa phuhrûk dan ngaihtuhsak a ţul hle a ni.



Editorial Staff

Rev. Thangzauva Upa H. Ronghaka
Rev. B. Lalngkhakliana
Upa C.H. Thangkhuma

Mi tin mai hian belh tur leh inngahna tur tha kan mamawh theuh va; belh tur leh inngahna tur tha nei chu mi vannei tak an ni. Amaherawhchu, kan belh leh inngahnate chu belh theih loh an niha, inngahna tlak loh an nih chinah emaw, belh tur an awm tawh loh chinah emaw chuan kan thla a phang a, kan bei te a dawngin rilru pawh a hnual rawih thin. Chutiang hunah pawh chuan Kristiante chuan belh tur leh inngahna tur Pathlian kan nei reng a ni tih hriain, amah chu panin a hnenah i tlu lut thuai thin ang u.

SMB MISSIONARY THAR

Synod Mission Board chuan kumin June ni 17 atanga December 2010 chhunga Field hrang hranga thawk turin heng a hnuaia missionary 13-te hi a la thar:

Sl. no.	Hming leh khua/veng	Hna hming & thawhna tur
1.	Dr. Ramdinmawii Chaltlang Mual Veng	Evan. Teacher, Arunachal West.
2.	Vanlalhruaii Dam Veng	Evan. Teacher, Barak Area
3.	Lalruatthangi Champhai Venglai	Lecturer, PHBS, Aizawl
4.	H. Lalrmachhuani Diakkawn Veng, Phullen	Staff Nurse, Home Mission 'S'
5.	Laltanpuia N. Bukpui	Evan. Teacher, Home Mission 'S'
6.	Lalthanzama Dawrpui Vengthar	Evangelist, Jharkhand
7.	C. Lalremruata Sihphir Tlang Veng	Evangelist, Arunachal West
8.	K. Lalremruati Ramhlun East	Evan. Teacher, Cachar Tlangram
9.	Lalrintluanga Ralte Ramhlun South	Evangelist, Arunachal East
10.	P.C. Vanlalchhuanga Rulchawm	Evan. Teacher, Home Mission 'S'
11.	Lianngura Durtlang North	Evan. Teacher, Cachar Tlangram
12.	P.C. Lalthankhumi Hnahlan Vengthlang	Evan. Teacher, Home Mission 'S'
13.	H. Lalfamkima Sihphir Venglai	Evangelist, Home Mission 'S'

Missionary lak tharte pual hian June ni 18, 2010 (Zirtawpni) khan Synod Conference Centre-ah Orientation Training buatsaih a ni a; heng mite nen hian SMB hnuaiah contract missionary 381 an awm ta a ni.

SMB MEDIA MINISTRY

Synod Mission Board chuan TV, radio leh tunlai thiamna hmanraw dang hmanga rawngbawlina lam ngaihtuatu tur member pariat awmna Media Ministry a din a. Hma lakna hmasa atan kumin September thla atang khian Aizawl-a TV local channel-ah te Pathianni tin tlai dar 4:00-4:30 inkar chhungin Hindi-a Pathian fakna hla sak leh Pathian thuchah tawi tihchhuah tum a ni. Hei bakah hian radio leh electronic hmanraw dang hmanga rawngbawlina dang pawh ngaihtuah chhawm zel tum a ni bawk.

Media Ministry chuan hnam dang pual rawngbawlina programme thar hi Synod Ramthar Ni, August ni 31, 2010 khian hawn a tum.

GRACE HOME THAR LUAH THEIH HNAI

Presbyterian Hospital, Durtlang hnuaia din, tihdam theih loh AIDS natna veite enkawlina, GRACE HOME (Hospice) building thar chu sak zawh thawkhat a ni tawh a, kumin kum tawp lama luah tura ruahman ni mah se, tuna hman mekah khum indaih lohna a nasat em avangin thla thar, August 2010 khian luah theih tura chak taka hma lak a ni. Grace Home hi Mizoram State AIDS Control Society (MSACS) hnuaia project laa enkawl a ni a, sum mamawh tam zawk hi he project atanga phuhruk a ni. Grace Home hi Aizawl khawpuia AIDS veite enkawlina (Hospice) awm chhun a nih deuh tak mai avangin khum a ruak hman meuh lo va; thawktute pawh an hah hle.

Grace Home building neih mek hi a tet deuh avang leh a awmna hmuniin duh thu a sam tawk loh avangin, National AIDS Control Organization (NACO) mi thiamte pawhin an lo sawisel tawh a, sum lama tanpuina pawh 2007 khan tihtawp lailawk a lo ni tawh nghe nghe a; Synod-ah ngaihtuah niin Presbyterian Hospital lama hotuten theihtawp chhuahin building thar neih theih dan an dap a.

Vanneihthlak takin Presbyterian Church of Wales atangin tanpuina an hmu thei ta hlauh va. Building thar lian zawk sak nan nikum lam khan Rs. 34,00,000/- dawn a ni a, Central K.T.P-in Rs. 2,00,000/- a pe bawk a. Heng hian sak zawhna a daih loh avangin sak chhunzawm nan P.C. Wales-in Rs. 13,00,000/- an rawn pek belh leh a. Heng sum hmang hian Hospital Compound chhung, Hmangaihna In peng thlang lawkah Home building thar hi sak a ni. A hluia khum 10 dah theih thin kha building tharah chuan khum 30 dah theih a ni ang. Grace Home-ah hian doctor pahnih, staff nurse pali leh thawktu dang pakua an bung mek.

FINANCE MANAGER THAR

Upa Lalsawmliana, Zemabawk North chu Synod Office-a Finance Manager hna thawk turin contract basis-a lak thar a ni. July 2010 atang khan a hna hi a zawm.



Râl Vêngtu chu a vên bûk tuala a hawi vang vang lai chuan thian zahô hi an lo kal a, a hnenah, “Râl Vêngtu, kan tunlai hun atan hian thuchah sawi tur i neih ngei kan ring a, min hrilh ta che,” an ti a. Râl Vêngtu chuan “Nei tuk e a, Hengte hi in vawng reng dawn nia,” a ti a.

1. Lal Isua kha thih hlahv vanga dam chhônga bâwiha awmte chhanchhuak turin a lo kal a; chutih laiin hman deuhva khawchhak lungpui lum hlau, khawchhak lam pana pêm ta daih te, unau UID hlau te, Finger Print hlau te, Sakawlh leh a number 666 hlaute an lo awm leh ta, a va pawl tak em! ‘Ringlote hlawin an khur ang kan lawmna niah chuan’ tih a nih laia Sakawlh leh Lal Isua lo kal lehna hun hlau kawp te pawh ringtu inti zingah zuk han awm thei a! A mak hle. Chutiang mite chu inbih Chiang sela, Gilead thinghnaï damdawi awmna pan thuai rawh se.

2. Diabola chu sakeibaknei rûm thîn angin a sa seh tur zawngin a phi ruai thîn a ni tih hriain, Bible chhiar ngai lo te, inkhawm ngai lo te leh tawngtai ngai lote chu a seh duh bik avangin inveng tha rawh u. Thlêm ahmaa thûk nghal tumte pheï chu a va ching nasa lehzual dawn êm!

3. Tun hma kha chuan zânvâk kha kan hlau thîn, mi pawl sawi lote khawih hrep an hreh loh avangin. Tunlai chuan zân vâk chauh ni lovin, chhûnvâk te pawh an awm a. Beram huang ata beram rûk chhuah tumin an vâk a, an hmui a thlum a, an tawngkam thiama mi bum tur an zawng thîn. Kum 100 zet Kristian kan ni tawh. Tute emaw buma awm a hun tawh lo. Ka ven bûk aţang hian ka lo en reng ang che u.

HLA PHUAHA INTIHSIAKNA

Synod Music Committee chuan Kristian Chhungkaw Hla leh Inneih Hla phuaha intihsiakna a buatsaih mêk a, August 31, 2010 thleng theh luh theih a ni.

Kristian Chhungkaw Hla chu hlawm liin intihsiak tur a ni a, hla pui, vantlang hla (Zaipawl sak chi), solo-a sak chi leh hla chham chi (Poetry) tia thliar hran a ni.

Inneih Hla chu châng thum aia tawi lo, châng nga aia sei lo, harmonise sa, solfa part kima dah, hla pui ni lo, a huhova sak theih tur chia phuah tura tih a ni.

Lawmman pakhatna aţanga pathumna dawngtu hnenah pawisa fai leh certificate tha tawh tak pêk vek an ni ang a, a tel apiang hnênah Consolation Prize Rs. 500/- theuh pêk a ni bawh ang. Mi pakhatin Kristian Chhungkaw hla leh Inneih hlaah hla pakhat ve ve bâk theh luh theih a ni lo thung. Hre Chiang duh tan Synod Office, Music Department-ah office hun chhungin zawh chian theih a ni e.

PRESBYTERIAN HOSPITAL, DURTLANG June 2010 CHHUNGA THIL DAWNTE

I. CHARITY FUND

1. Sialsuk Bial Kohhran Hmeichhia	...	Rs. 2,000
2. Khawzawl Vengthar Bial Kohhran Hmeichhia	...	Rs. 3,000
3. Mamit Dinthar Kohhran, Mamit	...	Rs. 3,000
4. Zote Kohhran Hmeichhia, Champhai	...	Rs. 1,000
5. KTP., Hmunpui Branch	...	Rs. 2,000
6. Bairabi South Kohhran	...	Rs. 5,000
7. Tanhril Vengthar Kohhran	...	Rs. 5,000
8. Gateway Enterprise, Bawngkawn	...	Rs. 1,000
9. Hming thup	...	Rs. 10,000
10. Hming thup	...	Rs. 15,000
Total	...	Rs. 47,000

II. THISEN PETUTE

	Unit pek zat
1. Synod Lay Workers' Fellowship (SLWF)	Unit 101
2. YMA, Nisapui Branch	Unit 28
3. YMA, Tuikhuahtlang Branch	Unit 41
4. YMA, Aizawl Venglai Branch	Unit 53
5. AVBD, Aizawl	Unit 90
6. YMA, Durtlang North Branch	Unit 35
7. YMA, Lungleng Branch	Unit 20
Total	Unit 368

III. THIL DANG

1. Rebecca Drug Centre	Weighing Machine pahnih
2. Lamzawl Kohhran Hmeichhia	Hmunphiah 30
3. Chaltlang Bial Kohhran Hmeichhia (Radiant Warmer lei nan)	Rs. 80,000/-
4. Lallen Kohhran Hmeichhia	Thutthlengsei pariat
5. Dawrpui Vengthar Kohhran Hmeichhia	Thutthlengsei panga
6. Dawrpui Kohhran Hmeichhia	Thutthlengsei panga, Hmunphiah leh Swabstick thahnem tak
7. Dr. R. Lalthangliana (MLA), Kanan Veng	Television pakhat
8. Bawngkawn Bial KTP	Thutthlengsei 20
9. Zaitte Bial Kohhran Hmeichhia	Hmunphiah 20
10. Andrew Z. John, Dawrpui, Aizawl	Wall Clock pakhat

Thilpek min petu zawng zawng chungah Pathian hmingin lawm thu kan sawi tak meuh meuh a ni.

Sd/-
(REV. C. LALBIAKHLUNA)
Chaplain
Presbyterian Hospital

NAU HUALNA CARD

MSSU Committee-in a rel angin Nau Hualna Card hi kohhran tinin a thlawna lâk tawh tur a ni a, MSSU Office aţangin emaw, Bial Sunday School Secretary hnên aţangin emaw, mahni kohhran mamawh tawh lâk mai tur a ni e.

Sd/-
Executive Secretary
i/c., M.S.S.U., etc.



Chhungkaw Chanchin

Biate North leh Biate Kohhranah kumin Good Friday atanga intanin harhna a thleng a, kohhran an hlim hle. Harhna hi Biate North Kohhran thalaitea intan a ni a, Biate Kohhranah a kang kai zel a ni. He harhna hi tun hmaa harhna vantla an tih mai thin ang kha a ni ber a. Pathian chawimawia ran thawh an awm deuh reng a; ran thawh lo pawhin pawisa an thawh mai a; Biate 'N' Kohhranin vawi kua Pathian an chawimawi tawh a; Biate Kohhranin vawi li Pathian an chawimawi tawh baw. Harhna thlen tirh atangin Pathian fakin zan tin an la lengkhawm zel a ni.

Hermon Kohhran, Khawzawl chuan April 24 - May 16, 2010 chung khan Pi P.C. Vanlalnglaki, Jehova Jire Team Speaker ruaiin Camping chhawng thum an buatsaih a. Pathian hnathawh ropui tak avangin rawngbawltuten an hawsan hnu pawhin kohhran an hlim zui zel a; ruai te buatsaih kohhranin Pathian fak leh chawimawina hun hlimawm tak an hmang.

Lungdai Hmar Veng Kohhran chuan Pu Lalthanmawia, Krista Hmangaih Team ruaiin May 9 - 30, 2010 chung khan Camping an buatsaih a; Pathian hnathawh ropui tak a thleng. Hun rei tak chung biak ina lawi ngai tawh lo leh thlarau lam nuna inthlahdahten biak ina inkhawm an ngaina thar a; kohhran boruak a nuam hle. Mi thahnemngaithe thawh khawm bawng leh vawk pahnih leh ar lian tak tak hmangin kohhranin hlim takin tisa leh Thlarau lam ruai an kil ho.

Thingfal Kohhran chuan May 10 -16 chung khan Pu C. Lalnunsanga (Josua Operation Team) speaker-a hmangin Revival Crusade an buatsaih a; tawngtai lama thahnemngaihna thar nei eng emaw zat awmin zing tawngtai inkhawm pawh an pung hle a. Kohhranin hlawkpui hlein an inhria.

N. Serzawl Kohhran chuan May 28 - June 13, 2010 chung khan Pu Lalfakzuala (Doulos Revival Team) speaker-a hmangin khawtlang huapin Gospel Camp chhawng hnih an buatsaih a; camper 200 zet an lut a, kohhran pawl hrang hrang paruk aia tlem lo atanga lut an ni. Naupang pualin Lâng camp buatsaih a ni baw. Camper zinga ruihhlo bâwiha tang te, rinna kawnga hnungtawh tawh te, biak in thleng phak tawh lote pawhin harh tharna an chang a; June ni 12 khan vawk panga leh ar kg. 26 hmangin kohhranin Pathian fak leh chawimawiiin ruai an theh. Khawtlang boruak pawh a nawm phah hle.

Tingmun Kohhran chuan June 23 - 27, 2010 chung khan Pu C. Ramtharngaha (Jehova Jire Team) speaker-a hmangin Crusade an buatsaih a; June 26 khan nilengin naupang pualin Lâng camp an nei baw. Kohhranin an hlawkpui hle.

SYNOD REVIVAL TEAM INTUAI THARNA

Synod Revival Committee chuan July 23 - 25, 2010 chung hian Chanmari Kohhran Biak In, Aizawlah Synod Revival Team Intuai tharna an hmang dawn. Retreat thupui, **"Thianglimna"** tih chu Sr. Executive Secretary Rev. Vanlalzuatan a sawi ang. Zan lam inkhawm leh Pathianni nileng inkhawm chu mipui tan chhim theih a ni ang.

THILPEK LAWMAWM

Synod Revival Department chuan **Revival Camping Centre**, Neihbawiha hman tur, mi thahnemngaithe thilpek eng emaw zât a dawng tawh a; Pathian hnathawh a ropui hle. Thilpek hlu tak hlântu zawng zawng hnênah lawm thu an sawi. Thilpek petute hi Synod Newsletter August thlaah a kimchanga tihchhuah theih beisei a ni.

Hetih lai hian Revival Camping Centre-a mamawh heng a hnuai mite hi pe thei tan pek theih zêl a la ni a, Pathian tana mi inphal leh thahnemngai, thilpek pe thei kan awm chuan a lawmawm hle ang.

1. Plastic Tuizêm - Pakhat Rs. 17,000 man zêl
2. Biak In Thutthlêng - Pakhat Rs. 500/- man zêl
3. Camper Khum - Pakhat Rs. 1,000/- man zêl

CIRCULAR

Presbyterian School din tum Kohhran emaw, Bial emaw chuan Synod Education Board-ah phalna dil hmasak tur a ni a. SEB chuan pek âwma a ngaih chuan SEC-ah a thlensak dawn a ni. Phalna la hmasa zet lo chuan school hi din loh tur a ni. Phalna nei lo school-te chuan Synod-in a pek thin hamthatna eng mah an beisei thei lo vang.

Tin, tuna school lo din tawh, phalna la nei mumal lote pawhin August 2010 ral hma ngeiin dilna hi Education Board-ah theh luh tur a ni.

Sd/-

(REV. ZOSANGLIANA COLNEY)

Executive Secretary i/c Edn., etc.

Synod Office, Aizawl

PBS ADMISSION HRIATTIRNA

Presbyterian Bible School, Mission Veng, Aizawlah C.Th. (Certificate in Theology) zir tur lak a ni leh dawn a, zir duhte tan hêng hi hriat tur a ni e.

1. Zir hun chung : September - December, 2010
2. Dil hun chung : August 31, 2010 dâr 4:00 p.m. thleng
3. Dil thei chin : Cl - VII pass, kum 16 chin, kohhran dân chung a awm.
4. Interview : September 2, 2010 dâr 10:00 a.m.
5. Admission Form : Rs. 5/- in Office-ah lei tur
6. Stipend : Zirlai hnênah Rs. 300/- p.m. pek an ni.
7. Class tan hun : September 6, 2010 dâr 9:30 a.m.
8. Hostel a awm lo.

Hre Chiang duh tan Ph. No. 0389-2317343/94363527920-ah zawh theih a ni.

Sd/-

(REV. V. LAWMKIMA)

Principal